



Broj: 04-02-I-44173/17
Sarajevo, 30.11.2017. godine

Na osnovu člana 22. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", br. 4/00, 18/02, 30/08, 1/12 i 15/13), Zakona o porezu na dodanu vrijednost u BiH ("Službeni glasnik BiH", broj: 09/05, 35/05 i 100/08), člana 11. stav 4. i 5. Pravilnika o primjeni Zakona o porezu na dodanu vrijednost ("Sl.glasnik, broj: 93/05, 21/06, 60/06, 06/07, 100/07, 35/08, 65/10) direktor Zavoda zdravstvenog osiguranja Kantona Sarajevo d o n o s i

ODLUKU
o utvrđivanju rashoda koji se mogu priznati kao trošak poslovanja
usljed kala, rastura, kvara i loma

Član 1.

Odredbama ove Odluke utvrđuje se količina rashoda (kalo, rastur, kvar i lom – u daljem tekstu: rashod) koji se može priznati kao trošak poslovanja na teret Zavoda zdravstvenog osiguranja Kantona Sarajevo u toku jedne poslovne godine.

Član 2.

Rashodom se smatraju gubici koji nastaju pri manipulaciji robom, kao posljedica prirodnih uticaja ili kao posljedica preuzimanja neophodnih radnji u prometu i poslovanju robom.

Član 3.

Rashod se utvrđuje redovnim ili vanrednim popisom robe u centralnom skladištu i ispostavama. Utvrđivanje rashoda vrši popisna komisija, a o izvršenom popisu obavezno se sastavljaju zapisnik i popisna lista.

Član 4.

Rashod se priznaje prema stvarnom nastalom kalu, rasipu, kvaru i lomu, a najviše do normativa (postotka) prikazanog u tabelarnom prikazu člana 6. ove Odluke.

Član 5.

Odgovornost radnika za nastali kalo, rasip, kvar i lom robe u vezi sa obavljanjem posla postoji kad je gubitak veći od gubitka utvrđenog normativom iskazanim u članu 6. ove Odluke u postotku (%), te kada je gubitak nastao radi nemara ili nepažnje u rukovanju robom.

Član 6.

Količina rashoda koji se može priznati kao trošak poslovanja Zavoda zdravstvenog osiguranja Kantona Sarajevo je sljedeća:

Red.br.	Naziv	Stopa %
1.	Zdravstvene knjižice i ostali obrasci koji se prodaju	1,00

Normativ rashoda izražava se u procentu od količine robe koja je u poreskom periodu/fiskalnoj godini prodana.



Član 7.

Izuzetni rashod nastao kao posljedica djelovanja više sile ili zbog proteka roka trajanja priznaje se u cijelosti kao trošak poslovanja Zavoda zdravstvenog osiguranja Kantona.

Član 8.

Dokumentacija za knjiženje kala, rasipa, kvara i loma robe sastoji se od:

- zapisnika popisne komisije,
- obračuna utvrđenih razlika između knjigovodstvenog i stvarnog stanja,
- obračuna dopuštenog iznosa kala, rasipa, kvara i loma,
- obračuna poreza na dodanu vrijednost utvrđenu na razlike iznad dozvoljenog kala, rasipa, kvara i loma,
- odluke o naknadi štete.

Član 9.

Svako postupanje suprotno odredbama ove Odluke predstavljat će kršenje radnih obaveza i kao takvo može biti predmetom postupka za utvrđivanje odgovornosti.

Član 10.

Zadužuju se rukovodioci sektora da upoznaju radnike sa odredbama ove Odluke.

Član 11.

Odluka stupa na snagu danom donošenja, a primjenjivat će se od 01.12.2017. godine.

Pripremila:

Vildana Fazlibegović
Rukovodilac odjela za računovodstvo

Kontrolisale: /

Munevera Čučić
Rukovodilac Službe za finansije-trezor

J Rukovodilac Službe za pravne poslove

Z Rukovodilac Sektora za opšte,
Pravne i kadrovske poslove

Lejla Kahvo
Rukovodilac Sektora za ekonomiku
i finansiranje

Dostaviti:

- Svim sektorima
- Ispostavama
- Internoj reviziji
- Oglasna ploča
- a/a.



Samir Turković
DIREKTOR ZZOŠ